



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

იშხნის ჭედური სანინამძღვრო ჯვარი

იშხნის ჭედური სანინამძღვრო ჯვარი, ვერცხლისგან გამოჭედილი ოქროდაფერილი ჯვარი (51სმ×36 სმ). ახლავს ქართ. ასომთავრულით შესრულებული წარწერა – იხსენიება იშხნის ეპისკოპოსი ილარიონი (ჯვრის დამკვეთი) და ჯვრის შექმნის თარიღი, 973 წელი.

ჯვრის წინაპირზე, ცენტრში ჯვარცმული ქრისტეს ფიგურაა, მკლავების ბოლოებზე კი ძვირფასი ქვებია ჩასმული. დეკორატიულად განწყობილ ანსამბლში უმთავრესი არის მაცხოვრის ექსპრესიული გამოსახულება, თავით პროფილში და ფრონტალურად წარმოდგენილი ფიგურით. იშხნის სანინამძღვრო ჯვარი შუასაუკუნოვანი ქართ. საოქრომჭედლო ხელოვნების ისტორიაში ერთი უმნიშვნელოვანესი ეტაპის ბრწყინვალე ნიმუშია.

ლიტ.: ა მ ი რ ა ნ ა შ ვ ი ლ ი შ., ქართული ხელოვნების ისტორია, თბ., 1971; ჩ ხ ა რ ტ ი შ ვ ი ლ ი ა., X-XI სს-ის ჭედური ხელოვნების რამდენიმე ძეგლის შესახებ, კრ.: აკად. შ. ამირანა შვილის სახ. საქართველოს ხელოვნების სახელმწიფო მუზეუმის ნარკვევები, VII, თბ., 2001; Ч у б и н а ш в и л и Г.Н., Грузинское чеканное искусство, Тб ., 1959.

თ. საყვარელიძე
